



Anthon Frederiksen (Partii Naleraq)  
Inatsisartunut ilaasortaq

/Maani

**§ 37 naapertorlugu apeqqummut akissuteqaat pineqarluni pisortat  
ingerlatsineranni allaffissornikkut aningaasartuutikillisaanerit**

06-02-2015

Suliap normua 2014-094154

All. nr. 1853317

Inatsisartut suleriaasianni § 37, imm. 1 naapertorlugu matumuuna Partii Naleqqami  
Inatsisartunut ilaasortamut Anthon Frederiksen-imut akissuteqaasiornermi  
ilannssaqassaagut Nalaakkersuisunut apeqqutigisaanni pineqarluni pisortat  
ingerlatsineranni allaffissornikkut aningaasartuutikillisaaneq:

P. O. Box 1037  
3900 Nuuk

Oqarasuaat +299 34 50 00

Nassitsigasuaat (+299) 34 63

50

E-mail: oed@nanoq.gl  
www.naalakkersuisut.gl

**1. Allaffissornikkut aningaasartuutikillisaaneq pisortat ingerlatsineranni  
Naalakkersuisunit pilersaarutigineqarpa, tamatumani aamma Namminersorlutik  
Oqartussat suliffeqarfiutaanni**

**Akissut:**

Aap, immikkoortortani arlalinni assigiinngitsuni, ataaniittoo takujuk.

**2. Taamaattoqassappat suliassaqarfinni sorlerni Naalakkersuisut  
naatsorsuutigaat aningaasartuutikillisaaneq piviusunngortinneqarsinnaasoq**

**Akissut:**

- Ataatsimoorussamik pisortanit kiffartuussinermi
- Digitalinngortitsinermi
- Aaqquissuussaasumik pisiniartarnermi
- Aningaasaqarnikkut aqtsilluarneq
- Sulisunut isumaqtigissteqartarnermi
- Pilersarusiamik piginnaanngorsaaneq

Namminersorlutik Oqartussani aningaasartuutit isertitallu oqimaaqtigiinnissaat  
qulakkeerniarlugu, kiisalu pisortat aningaasaataanni siunissami tatisimanninnerit  
naaperiarsinnaajumallugit, pisariaqassaaq pisortanit nukissat  
pitsaanerpaanngortinneqarnissaat ingerlatsinikkullu aningaasartuutit  
appartinneqarnissaat. Taamannak pisoqanngippat innuttaasut misigisinhaavaat  
kiffartuussinikkut annikillisaasoqarnera aamma nalinginnaasumik ajorseriartoqarnera.

**Ataatsimoorussamik pisortanit kiffartuussineq**

Pisortanit nukiit pitsaanerpaanngortinneqarsinnaapput kommuninut Namminersorlutillu  
Oqartusanut ataatsimoorussanik immikkoortortaqarfinnik pilersitsinikkut.  
Tamatumunnga assersuutigineqarsinnaapput inissianik aqtsinermut,

nutserisoqarnermut, naatsorsuuseriveqarnermut, aningaasarsialeriveqarnermut aamma digitalinngortitsinermut tunngasut, taakkunani ullumikkut Namminersorlutik Oqartussani aamma kommuuni tamani pineqartuni sulianut immmikkoortortaqartoqarpoq. Ullumikkut immikkoortarpassuit tamakku ima mikitigaat, atorfilittat pissusissamisoortumik iluaqtigineqarsinnaanatik, aammal uajornakusoorsinnaasarluni piginnaasatigut killiffiup naammaginartumik pigiinnarneqarsinnaanera.

Immikkoortortat tamakku suleqatigiinnikkut immaqalu ataatsimoorussamik immikkoortortaqaifiit katersornerisigut suliatiqut ataatsimoorifiit pitsaanerusut aamma kukkanerit ikinnerusut qulakkeerneqassapput, tamakku ullumikkut iluarsissallugit nukissanik pisariaqartitsiviusartut. Taamaasilluni pitsangorsaanerit, piginnaasatigut qaffassaanerit aamma pimoorussilernikkut iluanaarutit anguneqarsinnaagluarmata Kalaallit Nunaanni Pisortat Ingerlatsiviinut ataatsimoorussananik kiffartuussinikkut immikkoortortanik atuutilersitsinikkut.

Assersuutissat ilagaat nutserisoqarneq, tassani ataatsimoorussamik pisortatigoortumik nutserisummik atuinikkut annertuunik pisariillaasaosoqarsinnaalluni.

Immikkoortortami ingerlaavartumik pitsaassuseq piginnaasallu killiffiat qaffassarneqarpata, immikkoortortami pineqartumi atorfinninniarnissaq pilerinarnerulissaqq taamalu aamma ajornannginnerusumik suleqatigisat pigiinnarneqarsinnaalissallutik.

#### Digitalinngortitsineq

Digitalinngortitsineq pisortat ingerlatsivianni nutarterinissamik anguniagaqarnermi sakkussat pingaaruteqartut ilagaat, pingartumillu peqataaqataassalluni, nukissat ikinnerusunik atuilluni pisortat suliassaataasa naammassineqarsinnaanerinut.

Naalakkersuisut Digitalinngorsaanermut periusissaat suliniutnik arlalinnik imaqarpoq, pimoorussaanerulersitsinikkut iluanaarutnik peqatigitillugulu innuttaasunik soorluttaaq ingerlatseqatigiiffinnik pisortat ingerlatsinerannut sunniivigeqatigineqartarnernik pisariinnerulersitsisunik. Taamaasiornikkut innuttaasut pisortanit kiffartuussineq pitsaanerusutut misigilissavaat. Ingerlatseqatigiiffiit, taakkununnga ilanggullugit Namminersorlutik Oqartusanit pigineqartut, sulisuminnik pituttusimajunnaarsitsissapput, taakkualu paarlattuanik pingarnerusutigut suliarisartakkaminnut atorsinnaassallugit. Pisortat ingerlatsiviat pimoorussiffiusoq ingerlatseqatigiiffinnik namminersortunit pigineqartunik nunani allani ingerlatseqatigiiffinnut sanilliullugu unammillernikkut iluaqsiissaqq.

Naalakkersuisunit digitalinngortitsiniarluni suliniutit arlallit aallartinneqareersimapput pisortat ingerlatsivianni nutarterisussat, soorlu pisortat allaffeqarfianni aamma peqqinnissaqarfimmi napparsimasunik katsorsaasarnermi videot atorlugit aaqqiinernik piviusunngortitsinikkut. Tamatuma ilaatigut kinguneraa angalanermut aningaasartuutinik annikillisitsineq.

Sulianik suliariinnittarnermik digitalinngorsaaneq ilaatigut innuttaasunut qarasaasianik atuisunut arlalinnut- aamma ingerlatseqatigiiffinnut sammisunik imminnut sullissinermut aaqqiinernut naatsorsuutigisassaavoq aammattaaq ilaatigut pimoorussinerulernikkut arlalinnik iluanaaruteqalernissamut naatsorsuutigineqarsinnaalluni aningaasartuutinik annikillisaaertut, sivikinnerusumik sulianik suliariinnittalernertut, ikinnerusunik

assaannarmik passussisarnertut aamma allaffissornerup aaqqissuunneqarnerani annertunerusumik nakkutiginninnertut aqutsinertullu isikkulerlugin.

Allakkat poorlugit puussalerlugit nassiunneqartartut ikiligaluttuinnarpuit, taakkulu digital atorlugu attaveqaqtigijinnermik taarserneqartut, aalajangersimasunik aningaasartutikillisaanernik arlalinnik imaqarput soorlu nassiussat akitkinnerusut naqitat aamma allakkat puuinut ikioraasarnerit ikinnerit aammali suleriaatsnik pimoorussinerulersitsinerit. Tamatuma kingorna innuttaasunut ingerlatseqatigiiffinnullu digital atorlugu attaveqaqtigijitarneq Sullissivimmiliissaq.

#### Aaqqissuussaasumik pisiniartarnermi

Namminersorlutik Oqartussat pisiniartarnerinik inuuussutissarsiorpalaarnerusumik pimoorussaalluarnerusumillu aaqqissuussinermi kiisalu ingerlatsinikkut aningaasartutinik annikillisitsinkut iluanaarutinik arlalinnik piiviusunngortitsisoqarsinnaagaluarpoq. Iluanaarutit tamakku suli annertusitinneqarsinnaassagaluarput, kommunit ataatsimoorussamik pisiniartarnermi suleqatigineqalersinnaasuuppata. Pisiniartarnerup tungaatigut siunissami sulinermi aallunneqassapput annertunerusumik unammillernernik kinguartitsineq, neqeroortitsisarnermi aamma aalaakkaasumik aalajangersakkanillu isumaqatigiissuteqarnermi piumasaqaateqarneq, aamma neqeroortitsinermi isumaqatigiissuteqartarnermilu uppermarsaatinut iltsersuutinik ilisserutinillu suliarinninneq.

Taamaasierornerup qulakkeerinneqataaffigissavaa assigiimmik pineqarnissaq, ammasumik aqutsineq kiisalu qulakkiissallugu nunatsinni suliffeqarfii assigiimmik pisortanut neqoroorsinnaanerat, suliassat pisortanit aningaasaliiffigineqartut pineqartillugit.

Naatsorsuutigineqassaaq, annertunerusumik unammillernernik kinguartitsinerup kingunerissagaa akit appasinnerusut. Ilanggullugit qulaani allassimasunit allaffissornikkut aningaasartuit annikillisineqassagaluarput.

#### Aningaasaqarnerikkut aqutsilluarneq

Aningaasaqarnermut siulersuinermillu nalunaarusiortarnermut ataatsimoorussamik kontonut pilersaaruteqarnerup suleriaaseqarnerullu kingunerissavavaa aningaasartuit ikinnerulererat, pitsaassutsip qaffatsinnejcarnera annertunerusumillu paassiumartunngortitsineq. Tamakku qulakkiissavaat pitsaanerusumik aalajangernissamut toqqammaveqarnissaq aningaasaqarniarnerullu aqukkuminarnerulerera.

Naatsorsuuseriveqarnikkut naatsorsuuserisarnermillu sullissinermi suliassanik qitiusumut katersuisarnermi Namminersorlutik Oqartussat ullumikkut pitsaasunik misilittagaqalereerput.

Suliniut nutaaq, Naalakkersuisunit periarfissaqarnersoq sunniuteqarsinnaanersorlu misissuiffigineqalersoq tassaavoq inatsisikkoortumik "Nemkonto-mik" atortuulersitsisinnaaneq. Taamaattoqassappat imatut kinguneqassaaq innuttaasut oqartussaasullu tamarmik paatsoorneqarsinnaanngitsumik kontoqalernissaat, pisortanut

tunngatillugu atorneqartartussamik. Taamaasiornikkut iluanaarutit annerpaartarisaat tassaassaaq innuttaasut pisortanut akiitsuisa annikillisinneqarnerat.

Allatigut pisortatigut aningaasanik aqtsinermi pitsannguutaasinnaasunik suliniutinik ujartuisoqassaaq, taakkulu aningaasanut inatsisissatut siunnersuutissami aammalu Aningaasaqarnikkut Ingerlatsineq pillugu Nalunaarut 2015-imoortumi ilanngunneqarumaarlutik.

#### Sulisunut isumaqatigiissuteqartarnermi

Pisortagoortumik sulisunut isumaqatigiissutit assigiinngitsorpassuarnut katitigaapput paasiuminaassinjaallutillu. Taamaannerisa innuttaasunut taamatuttaaq pisortat oqartussaasuisunut ajornakusoortittarpaat aningaasarsiaqarnikkut pissutsit paasipallattarnissaat allaffisornerujussuarmillu nassataqartarlutik. Taamaattumik Naalakkersuisunit sulissutigineqarpoq sulisunut pisortanit isumaqatigiissutit pisariinnerulersinneqarnissaat.

Ilanngullugu Naalakkersuisunit misissorusunneqarpoq pisortat ingerlatsivianni atorfillit aamma aktiaequearluni ingerlatseqatigiiffinni Namminersorlutik Oqartussanit pigineqartuni sulisut aningaasarsiaasa nikinganerujussuat. Paasinarsippat aningaasarsiatigut nikinganeq pissusissamisuunngitsumik angivallaartoq, taava Naalakkersuisunit misissoqqissaarneqassaaq tamatuma annikillisinneqarnissaanut periafissat suunersut. Namminersorlutik Oqartussanit pigineqartuni aktiatigut ingerlatseqatigiiffinni qaffasissumik aningaasarsiaqartitsinerup kingunerisarpaa tunisassiarpassuarni kiffartuussinernilu atuisunut akit qaffasisst ilanngullugulu pisortat ingerlatsivianni sulisunik piginniinnarsinnaanerup ajornarnerulersinneqartarnera.

#### **3. Naalakkersuisut takorloorsinnaavaat nunatsinnut naleqqussagaanerusumik allaffissornikkut ingerlatsilersinnaaneq?**

Aap, immikkoortoq 2 aamma 4-mi akissuteqaatit takukkit. Ilanngunneqassaaq Naalakkersuisut kommunit suleqatigalugit aaqqissusseqqinnej nalilersulermassuk, tassanilu pisortatigut allaffisornermi aningaasartuutit nalimmarsarluakkat sullissilluarsinnaanerlu ingerlaqatigiilliarnissaanik kissaatigineqartutut aaqqissusseqqinermi toqqammaviussammat ulluinnarnilu atugassarititaasut piivusorsiornissaat anguniarneqassalluni.

#### **4. Taamaattoqassappat suut iluarsisassaappat aamma qanoq iliornikkut?**

##### **Akissut:**

Pisortat ingerlatsiviat soorlu immikkoortoq 2-mi oqaatigineqartutut ilisarnaateqarpoq immikkoortaaqqanut ikittuinnarnik sulisulinnut killilimmillu piginnaasalinnut agguataarneqarsimanera. Taamatut allaffissornikkut ingerlatsinerit aserfallatsaalineqarnissaannut aningaasatigut nukiit taakkununnga pituttorneqarsimapput, annertunerpaamikkullu assigiillutik suliaqarfiillu assigiittut isikkullit naammassisarlugit, kisiannili imminut ungasissorujussuarmi inissisimasarlutik.

Taamaattumik Naalakkersuisunit allaffissornikkut ataatsimoorluni ingerlatsisarnissanut periuseq suliarineqarpoq, taakkunuuna Namminersorlutik Oqartussat aamma kommunit kiffartuunneqarlutik soorlulu siusinnerusukkut oqaatigineqareersutut taamaasierornerup qulakkiissavai pimoorussinerulerneq, pitsaanerusumik pisiniartarneq, pitsaassutsikkut-piginnaasatigullu ineriaartorneq, kiisalu suliassanik naammassinninnermi eqaatsuuneq ingerlatsinikkullu isumannaatsuuneq. Naalakkersuisunit periarfissat misisorusunneqarput inatsisiliornikkut suliniutnik aallartitsisinnaanerit siunertaralugu inatsisitigut toqqammaveqalernissaq, tassalu ataatsimoorussamik pisortanit kiffartuussineq pisortanit oqartussaasumit ataatsimik isumagineqartarsinnaanersoq pisortat oqartussaasui allat sinnerlugit.

#### Pilerausiamik piginnaanngorsaaneq

Naalakkersuinikkut Ataqatigiissaarisooqatigiinni isumaqatigiitoqarneratigut Namminersorlutik Oqartussat 2014-imi aallartippaat suliniut piginnaasanik qulaajaanissamik anguniagalik. Tamanna ingerlanneqarpoq naalakkersuisoqarfinni aqutsisoqarfinnilu aalajangersimasuni kiisalu Kommuneqarfik Sermersumi. Piginnaasanik qulaajaaneq marloqiusamik ingerlavooq. Ingerlaviup siulliup qulaajarpaa piginnaasat aningaasaqarnermik aqutsinermut tunngasut, ingerlaviullu aappaata qulaajarpaa aqutsisut akornanni allanngoriarsinnaanermut piareersimassuseq. Nalillerneqarpoq piginnaasanik qaffaanerup kingunerissagaa pisortat susassaqarfiini isumallututnik atuinerup appartinneranik, aammattaaru pisortat neqoroorutaasa pitsaassusaannik qaffaanermik.

Ukiuni tulliuttuni piginnaasanik qulaajaanerup toqqammavilissavaa piginnaasanik annertusaaneq. Kissataavoq piginnaasanik qulaajaaneq aammalu annertusaaneq pisortat susassaqarfiini tamani ingerlannerqassasoq.

#### 5. Sipaarutissarsisoqarsinnaava pisortat allaffissornikkut ingerlatsinerat ingerlatsivinnut annerusunut inissitsitissallugu?

##### Akissut:

Aap,naatsumik akillugu Aningaasanik Inatsisissaq 2015-i ukiunilu tulliuttut suliainerini ilangunneqarumaarmat.

Allaffissornikkut ataatsimoorussilluni ingerlatsiviup ilisarnaatigaa oqartussaaffinni ataatsimi arlalinniluunniit allaffissornikkut suliassanik arlalinnik ataatsimoortumik isumaginnittarneq. Aaqqissuunneqarnera annikinnerusumik annertunerusumilluunniit aaqqissuussaasarpooq ileqqussangortinneqartarlunilu. Allaffissornikkut ataatsimoorussilluni ingerlatsivinnik pilersitsinissamut tunngavilersuutit oqartussaaffimmiit oqartussaaffimmut assigiinngisitaarput. Pissutsinulli naleqquttuuvoq, annertuunngorlugit ingerlatsinermi pitsaaqutit aqqutigalugit pimoorussinerulerup anguneqarnissaanik kissaateqarnermi, kiisalu suliassanik isumaginnittarnikkut eqaatsunerup ingerlatsinikkullu isumannaatsuunerup nukitorsarneqarnissaat, saqqumilaarluartumik inisisimasarmata. Tamakku saniatigut "inniminniisarnermik-aaqqissuussinermi" siulersuineq siulersuinit suliassaqarfimmit kaanngartinneqarsinnaassaaq allaffissornikkut suliassanut arlalinnut sanilliullugu,

taamaasiernerlu periarfissiissaq aaqqissuussaanikkut suliniutit pingaarerit  
aallunneqarnissaannut.

**6. Allaffissornikkut sipaarutissarsisoqarsinnaava ingerlatsinerup ilusaata  
allannguuteqartinneratigut?**

**Akissut:**

Aap, allaffissornikkut ataatsimoorussilluni ingerlatsivinnut allaffissornikkut ingerlatsinerit  
katarsorneqarneri atuisuni-pilersuisuni pissutsinik pilersitsinikkut aningaasartuutit  
pitsaassuserlu aallunneqarsilissavaat, taamaasiernerillu kingunerisarpaat  
pitsaaneruseumik akikinnerusumilu sullissinerit.

Inussiarnersumik inuullaqqusillunga

Med venlig hilsen



Anda Uldum